

Ma
Dana

21- 05-

18

P. nr. 234/17

NË EMËR TË POPULLIT

GJYKATA THEMELORE NË FERIZAJ - DEPARTAMENTI I PËRGJITHSHËM, me gjiqtarin Ibrahim Idrizi dhe zyrtare ligjore Albana Ajvazi, në çështjen penale kundër të akuzuarit [REDAKTUE] për shkak të veprës penale "Lidhja e pa autorizuar në shërbime" nga neni 321 të KPRK-së, sipas aktakuzës së Prokurorisë Themelore në Ferizaj PP/II. nr. 55-1/2017, e datës 27.01.2017, pas mbajtjes së seancë fillestare publike me datë 05.03.2018, në praninë e përfaqësuesit të akuzës – Prokurorit të Shtetit Albert Zejnnullahu dhe të akuzuarit [REDAKTUE], të njëjtën datë mori dhe komunikoi, kurse me datën 15 mars 2018 e përpiloi me shkrim këtë:

AKT GJYKIM

I pandehuri [REDAKTUE] i biri i [REDAKTUE] dhe nënës [REDAKTUE] e vajzërisë [REDAKTUE] i lindur më dt. [REDAKTUE] në Ferizaj, me numër personal [REDAKTUE] me vendbanim në Ferizaj, rr. [REDAKTUE], shqiptar, shtetas i Republikës së Kosovës, ka të kryer shkollën e mesme, i pa punësuar, i martuar, prind i tre fëmijëve, i gjendjes së dobët ekonomike.

ËSHTË FAJTOR

Sepse me dt. 25.11.2016, në rr. [REDAKTUE], në Ferizaj, i pandehuri, në mënyrë të kundërligjshme ka shfrytëzuar energjinë elektrike pa autorizimin e furnizuesit të autorizuar – KEDS-it, në atë mënyrë që ishte kyçur direkt në rrjetin elektrik, jashtë pikës matëse të njësorit elektrik, ku ka furnizuar pajisjet elektrike shtëpiake me energji elektrike, me qëllim të mos regjistrimit të energjisë elektrike të shpenzuar me ç'rast KEDS-it, i ka shkaktuar dëm në vlerë prej 178.28€.

- me të cilën ka kryer veprën penale "Lidhja e pa autorizuar në shërbime" nga neni 321 të KPRK-së

Andaj Gjykata në bazë të neneve 7, 17, 21, 41, 49, 50, 51, 52, 73, 74 dhe 321 të KPRK-ës, si dhe nenit 365 të KPP-ës, e

G J Y K O N

Me dënim burgimi në kohëzgjatje prej 3/TRE/MUAJ dhe dënim gjobe në lartësi prej 200/dyqind/ €, të cilat dënime nuk do të ekzekutohen nëse i akuzuari në periudhën kohore prej 2/DY/VITI pasi që aktgjykimi të merr formën e prerë nuk kryen vepër tjetër penale të natyrës së njëjtë (koha e verifikimit).

Obligohet i akuzuari që të kompensoj të dëmtuarës KEDS-i në shumë prej 178.28€.

Obligohet i akuzuari që në emër të shpenzimeve të pashallit gjyqësor të paguaj shumën prej 20/njëzetë/€ dhe shumën prej 30/tridhjetë/€ për Fondin për Kompensimin e Viktimave të Dhunës, të cilat është i obliguar që ti paguaj në afatin prej 15 ditësh pasi që aktgjykimi të merr formën e prerë nën kërcënimin e ekzekutimit me dhunë.

A r s y e t i m i

Prokuroria Themelore në Ferizaj - Departamenti i Përgjithshëm – Divizioni Penal, me aktakuzën e evidentuar PP/II. Nr. 55-1/2017 dt. 27.01.2017, ka akuzuar [REDACTED] për shkak të veprës penale “Lidhja e paautorizuar në shërbime” nga neni 321 të KPRK-së.

Gjykata duke vepruar sipas kësaj aktakuze mbajti shqyrtimin fillestar me datë 05.03.2018, në të cilën shqyrtim i akuzuari u deklarua fajtor për veprën për të cilën e ngarkon akuza.

Prokurori i shtetit Albert Zejnullahu, me rastin e paraqitjes së mendimit të tij, ka propozuar që të pranohet pranimi i fajësisë për të akuzuarin.

Gjykata për të vlerësuar pranimin e fajësisë shqyrtoi me kujdes kushtet e parapara nga neni 248 par. 1 të KPP-së dhe me këtë rast vlerësoi se i akuzuari ka kuptuar natyrën dhe pasojet e pranimit të fajit, pranimi është bërë vullnetarisht, pranimi i fajit mbështet në faktet dhe prova materiale të rastit konkret dhe atë: procesverbali mbi konstatimin e gjendjes faktike në terren me numër 1335737, datë 25.11.2016, fatura DFE16HP12937, e dt. 28.11.2016, raporti i kalkulimit, Divizioni i Furnizimit, Departamenti për Komunmatorët – Sektori i Rikthimit Humbjeve, foto dokumentacioni i njehsorit elektrik – vendi i ngjarjes si dhe aktakuza nuk përmban ndonjë shkelje të qartë ligjore apo faktike.

Meqenëse i akuzuari ka pranuar fajësinë, e cila është në përputhje me kriteret e përshkruara më lartë, andaj Gjykata, konform nenit 248 par. 4 të KPP-së, ka vlerësuar se nuk është e nevojshme vërtetimi i ndonjë fakti relevant për shqiptimin e dënimit dhe për këtë arsyе ka vazhduar me shqiptimin e dënimit.

Duke vlerësuar në aspektin juridik gjykata gjeti se në veprimet e të akuzuarit ekzistojnë të gjitha tiparet objektive dhe subjektive të veprës penale “Lidhja e paautorizuar në shërbime” nga nenit 321 të KPRK-së meqë me datë, vend dhe kohë siç është përshkruar hollësishët në dispozitiv të këtij aktgjykimi ka bërë lidhje direkte në rrjetin elektrik, ku ka furnizuar pajisjet elektrike shtëpiake me energji elektrike, me qëllim të mos regjistrimit të energjisë elektrike të shpenzuar.

Me rastin e matjes së llojit dhe lartësisë së dënimit për të akuzuarin, Gjykata vlerësoj rrethanat në kuptim të nenit 64 të KPK-ës dhe gjeti si rrethanë lehtësuese se i akuzuari ka pranuar fajësinë në të gjitha fazat e procedurës penale, deri më tanë rezulton se nuk është dënuar me ndonjë aktgjykim të formës së prerë, si dhe rrethanën se është prind i tre fëmijëve dhe ka gjendjen e dobët ekonomike (i pa punësuar), kurse në rastin konkret nuk gjeti rrethanë rënduese pos që vlerësoi peshën konkrete të veprës penale.

Gjykata është e bindur se edhe me dënimin e caktuar pa ekzekutimin e tij, duke marrë parasysh edhe faktin se i akuzuari ka bërë pranimin e fajësisë, do të arrihet qëllimi i përgjithshëm i dënameve i paraparë në nenin 41 të KPK-ës përkatësisht dënnimi i shqiptuara është plotësisht i justifikueshëm dhe në përshtatje me rrethanat e kryerjes, rrezikshmërinë e saj dhe të autorit e që do të shërbej në parandalimin e kryesit nga kryerja e veprave penale në të ardhmen (preventiva speciale) si dhe do të arrihet qëllimi që ti përmbyt personat e tjera nga kryerja e veprës penale (preventiva gjenerale).

Në kuptim të nenit 463 par.2 të KPP-së, obligoi të akuzuarin që në emër të kërkësës pasurore juridike të i kompensoj të dëmtuarës KEDS shumën prej 178.28€, me që të dhënat e mbledhura në procedurë penale paraqesin bazë të sigurtë për gjykim të plotë të kërkësës pasurore juridike (fatura për shfrytëzimin e energjisë elektrike).

Gjykata konfrom nenit 450 par. 2 pika 6 dhe 453 të KPPK-së, i caktoi shpenzimet paushalle në lartësi prej 20/njëzetë/€, shumën prej 30/tridhjetë/€ për fondin për Kompenzimin e Viktimate të Dhunës, të cilat obligohet që ti paguaj në afat prej 15 (pesëmbëdhjetë) ditëve, prej ditës kur aktgjykimi merr formën e prerë.

Nga arsyet e sipër cekura është vendosur si në dispozitiv të këtij aktgjykimi.

GJYKATA THEMELORE NË FERIZAJ


P. nr. 234/17, më 15 mars 2018.

Zyrtare ligjore,

Albana Ajvazi

Gjyqtari,

Ibrahim Idrizi



KËSHILLA JURIDIKE: Kundër këtij aktgjykimi mund të ushtrohet ankesë në afat prej 15 dite, pas pranimit të kopjes me shkrim të këtij aktgjykimi, Gjykatës së Apelit në Prishtinë. Ankesa i dorëzohet Gjykatës Themelore në Ferizaj.